

RESOLUCIÓN do 16 de decembro de 2025 pola que se establecen as bases reguladoras e se anuncia a convocatoria, mediante tramitación anticipada de gasto, do procedemento de concesión de subvencións para proxectos de aforro e eficiencia enerxética nas empresas galegas, para o ano 2026, cofinanciadas polo Fondo Europeo de Desenvolvemento Rexional nun 60 % no marco do programa Galicia Feder 2021-2027. Axencia Instituto Enerxético de Galicia (DOG N° 12, 20/01/2026)

Obxecto

Estas bases teñen por obxecto regular a concesión de subvencións para a realización de proxectos de aforro e eficiencia enerxética nas empresas galegas.

Estas axudas tramitaranse polo réxime de **concorrenza non competitiva**.

O código de procedemento é **IN417Y**

Persoas beneficiarias

Poderán acceder á condición de persoas beneficiarias:

- As empresas legalmente constituídas e autónomas, que teñan domicilio social ou algún centro de traballo en Galicia.
- As empresas de servizos enerxéticos que xestionen total ou parcialmente instalacións consumidoras de enerxía e que o obxecto destes contratos de servizos sexa a consecución de aforro económico derivado dun menor consumo de enerxía.

Non poderán ter a condición de beneficiarias:

- As empresas que operan no sector de produción agrícola primaria coas actividades incluídas na sección A e, en concreto, as clases desde a 1.11 á 02.40 do CNAE-2025, ambas incluídas na exclusión.
- Os sectores a que se refire o número 3 do artigo 1 do Regulamento (UE) nº 651/2014 (Reglamento de exención por categorías)

Proxectos subvencionables

Os traballos non poderán iniciarse con anterioridade á data de presentación da solicitude. Serán subvencionables aqueles proxectos con rateos de aforro enerxético anual iguais ou superiores aos indicados na seguinte táboa para cada liña:

Denominación da liña	Proxectos subvencionables
Papeme-Proxectos de aforro e eficiencia enerxética en pemes	Proxectos que xustifiquen rateos de aforro enerxético iguais ou superiores a 0,18 kWh/€ de aforro enerxético de enerxía final e de enerxía primaria por euro de investimento elixible
PAGE-Proxectos de aforro e eficiencia enerxética en grandes empresas	Proxectos que xustifiquen rateos de aforro enerxético iguais ou superiores a 0,25 kWh/€ de aforro enerxético de enerxía final e de enerxía primaria por euro de investimento elixible
PAE-Proxectos de aforro e eficiencia enerxética en pemes ou grandes empresas que reduzan as emisións de GEI en polo menos un 30 %	Proxectos que xustifiquen rateos de aforro enerxético iguais ou superiores a 0,10 kWh/€ de aforro enerxético de enerxía final e de enerxía primaria por euro de investimento elixible e que ademais reduzan polo menos un 30 % as emisións de GEI.
PAP-Proxectos de aforro e eficiencia enerxética en infraestruturas públicas	Proxectos que xustifiquen rateos de aforro enerxético iguais ou superiores a 0,18 kWh/€ de aforro enerxético de enerxía final e de enerxía primaria por euro de investimento elixible

Os investimentos só poderán ser subvencionados sobre a base dunha auditoría enerxética (no caso de actuacións de mellora de edificios, substituirase a auditoría enerxética polo certificado de eficiencia enerxética), cuxos resultados se plasmarán na memoria técnica da solicitude.

Serán subvencionables instalacións novas en que o aforro enerxético deberá xustificarse en relación coas instalacións de referencia que correspondan á práctica comercial normal no sector ou na actividade de que se trate.

Será subvencionable a implantación de medidas de contabilización, monitorización e telexestión do consumo de enerxía asociadas ás actuacións de aforro para as que se solicita a axuda. Será subvencionable a realización de auditorías enerxéticas que inclúan en detalle a actuación subvencionada salvo que se trate dunha auditoría obrigatoria conforme a normativa vixente.

Investimentos subvencionables

Considéranse custos subvencionables: a elaboración dos proxectos técnicos, dirección facultativa e obra civil relacionados coas actuacións, o prezo dos equipamentos, a súa montaxe e posta en marcha, así como os sistemas de monitorización, contabilización e telexestión e as auditorías.

Non se considerarán subvencionables:

- a) Gastos de legalización
- b) IVE
- c) Licenzas, aranceis, bens de segunda man.
- d) Proxectos que non cumpran os requisitos técnicos mínimos recollidos nos artigos 6 e 7 desta resolución.
- e) Partidas alzadas.
- f) Instalacións que utilicen enerxías renovables salvo as asociadas a melloras integrais de edificios, as que procedan da valorización de residuos non propiamente enerxéticos e as bombas de calor.
- g) Operacións de mantemento (simples reposición de lámpadas...).
- h) Vehículos de todas as clases utilizables para o transporte terrestre, marítimo ou aéreo de persoas, animais, materiais ou mercadorías, excepto os que se deban rexistrar na conta de maquinaria.
- i) Instalación de equipos de enerxía alimentados por combustibles fósiles, incluído o gas natural.
- j) Instalacións/equipamentos que xa foran obxecto de axuda en anos anteriores.

No caso particular de investimentos destinados á mellora de eficiencia enerxética en edificios:

As axudas deben inducir unha mellora da eficiencia enerxética do edificio, medida en enerxía primaria, de como mínimo un 20 % en comparación coa situación anterior ao investimento

As axudas para a mellora da eficiencia enerxética do edificio poderán combinarse con:

- a) A instalación de equipamentos integrados in situ que xeren electricidade, calor ou frío a partir de fontes de enerxía renovables, incluídos, entre outros, os paneis fotovoltaicos ou as bombas de calor.
- b) A instalación de equipamentos para o almacenamento da enerxía xerada por instalacións de enerxía renovable in situ; o equipo de almacenamento absorberá polo menos o 75 % da súa enerxía de instalacións de xeración de enerxía renovable directamente conectadas, sobre unha base anual.
- c) A conexión a un sistema urbano de calefacción e/ou refrixeración enerxeticamente eficiente e aos equipamentos conexas.
- d) A construción e instalación de infraestruturas de recarga para o uso dos usuarios do edificio, así como das infraestruturas conexas, como condutos, cando o aparcadoiro estea situado dentro do edificio ou sexa fisicamente adxacente a este.

e) A instalación de equipamentos para a dixitalización do edificio, en particular, para efectos de aumentar a súa preparación para aplicacións intelixentes, incluídos a conexión pasiva con fíos no interior ou a cablaxe estruturada para redes de datos e a parte auxiliar da infraestrutura de banda larga na propiedade a que pertence o edificio, pero excluindo a conexión con fíos ou a cablaxe para redes de datos fóra da propiedade.

f) Os investimentos en teitos verdes e equipamentos para a retención e utilización das augas pluviais.

Contía das axudas

A intensidade da axuda en función da normativa de aplicación será a seguinte:

- a) Solicitudes acollidas ao Regulamento (UE) 2023/2831 de minimis (empresas con actividade de transformación e comercialización de produtos da pesca e da acuicultura): A contía da subvención será do 35 % do custe subvencionable da actuación para grandes empresas, do 45 % para medianas e do 55 % para pequenas.
- b) Solicitudes destinadas a medidas de eficiencia enerxética en edificios: A contía da subvención será do 20 % do custe subvencionable da actuación para grandes empresas, do 30 % para medianas e do 40 % para pequenas.
- c) Solicitudes destinadas a medidas de eficiencia enerxética distintas das dos edificios. A contía da subvención será do 35 % do custe subvencionable da actuación para grandes empresas, do 45 % para medianas e do 55 % para pequenas.

A axuda máxima por expediente ascende a 1.000.000 € salvo no caso de minimis que está limitada a 300.000 €.

A axuda máxima por empresa beneficiaria será de 2.000.000 euros.

Réxime de *minimis*

Estas axudas para as empresas con actividade de transformación e comercialización de produtos da pesca e da acuicultura estarán sometidas aos requisitos e límites establecidos no Regulamento (UE) nº 2023/2831 da Comisión, do 13 de decembro, relativo á aplicación dos artigos 107 e 108 do Tratado de funcionamento da Unión Europea ás axudas *de minimis*.

Prazo de execución

A data limite para executar e xustificar o investimento será o **15 de setembro de 2027**.

Prazo de presentación de solicitudes

O prazo de presentación de solicitudes comeza o día **30 de xaneiro e remata o 15 de setembro de 2026**.